

# **CYNGOR CYMDEITHAS BOTWNNOG**

**Gwyndy, Brynroes, Sarn, Pwllheli, Gwynedd. LL53 8ET.**  
**Tel. 01758 73035**

26ain Mawrth, 2020.

Annwyl Aelod,

Oherwydd y cyfyngiadau o ganlyniad i'r Coronafeirws, ni fydd cyfarfodydd y Cyngor yn cael eu cynnal hyd nes y codir y gwaharddiadau gan y Llywodraeth.

Os oes unrhyw broblem yr ydych eisiau i ni dynnu sylw ato yna mae croeso i chwi gysylltu â fi ar y rhif uchod neu'r Cadeirydd, Y Cyngorydd Glyn Roberts, ar 07815793816.

Petai cais cynllunio yn dod i law yna byddwn yn cysylltu âg aelodau'r Ward berthnasol er derbyn eu barn ac yna yn dilyn hynny, a thrwy gysylltiad â'r Cadeirydd, byddaf yn anfon y sylwadau ymlaen i'r Adran Gynllunio.

O berthynas i dderbyn tendr am farbio tiroedd y Cyngor, mae'r dyddiad cau ar 3ydd Ebrill, 2020, ac os y cytunwch, fe'i hagarir gan y Cadeirydd a symudir ymlaen i dderbyn y tendr isaf. Os bydd unrhyw amheuaeth ynglyn a thendr cysylltir â chwi oll fel aelodau er derbyn eich barn. Os oes gwrthwynebiad i'r drefn yma a wnewch adael i mi neu'r Cadeirydd wybod cyn y 3ydd o Ebrill.

Gyda hyn o eiriau dymunaf y gorau i chwi a'r teulu yn yr amser pryderus yma, ac edrychwn ymlaen at gael cyfarfod eto yn y dyfodol agos gobeithio!

Cofion cynhesaf

Clarc

## **AELODAETH Y CYNGOR**

## **Y CYNGHORWYR**

David Brunelli  
Gwenan Griffith  
Glyn Roberts  
Glenys Williams

Carys H. Evans  
Dylan Parry Jones  
Michael Strain  
Siôn Williams

Elin Hughes  
Ifor Owen  
Carys E. Williams



## NODIADAU O'R MATERION A DRAFODWYD YN YSTOD

### Y CYFNOD CLO OHERWYDD Y CORONAFEIRWS

#### I. APEL GAN GYNGOR BUAN TUAG AT BRYNU OFFER PPE

**Ar 29ain Mawrth, 2020**, derbyniwyd e-bost gan Glarc Cyngor Buan yn hysbysu fod Dr. Arfon Williams o Feddygfa Nefyn wedi cael ei apwyntio fel “Area Co-ordinator” i'r ardal fyddai yn cynnwys Arfon/Llyn ac Eifionydd i ddelio gyda'r argyfwng Coronafeirws. 'Roedd angen masgiau arbennig ar gyfer y gweithwyr allweddol er eu diogelu rhag y feirws ac 'roeddynt yn costio oddeutu £10/£15 yr un a rhagwelai'r Meddyg y byddai angen tua 1,000 ohonynt. (Nodwyd fod Cyngor Buan am gyfrannu £1,000).

Oherwydd y cyfyngiadau anfonwyd llythyr allan at bob aelod yn nodi sylwadau oedd wedi cael eu derbyn gan Gynghorau eraill i Apêl Cyngor Buan, a holi a oedd y Cyngor hwn yn barod i gyfrannu.

Derbyniwyd ymateb cymysg gan yr aelodau y mwyafrif eisiau cyfrannu £1,000, eraill yn ei gweld yn anodd sut y gellid cyfrannu ond cysidro cyfrannu at Gyfeillion Bryn Beryl at gael defnyddiau PPE. Yn wyneb yr atebion a'r mwyafrif o blaid cyfrannu £1,000 gwnaeth y Cadeirydd benderfyniad, ar ran y Cyngor, i anfon y swm yma i Dr. A.Williams at brynu offer PPE i ardaloedd Arfon/Llyn ac Eifionydd.

Yn wyneb y rhwystredigaeth i gynnal cyfarfodydd oherwydd y clo gofynnodd y Clarc am farn Un Llais Cymru er diogelu'r Cyngor fod y gweithrediad a wnaed i gyfrannu at yr uchod yn uno a'r canllawiau a noder yr atebiad (yn Saesneg):

“Dyma be ddywedodd cyfreithwyr NALC ynglyn a gwario arian ym Mis Mawrth a mis Ebrill (tan 21 Ebrill)

*“We are expecting government guidance on holding meetings remotely. In the meantime, if local councils decide to not hold meetings and take decisions by e-mail or other remote methods NALC feels it is likely that afterwards if there were a challenge that the courts will accept that exceptional times called for exceptional measures. In the absence of government guidance, we would suggest for now only taking decisions remotely for truly urgent issues. In this case, local councils should evidence their decision making as best they can, for example by asking councillors to confirm their votes by e-mail to the Clerk to keep as a record of the decision.”*

Noder anfonwyd gwybodaeth fod y rhodd wedi ei anfon at Dr. Arfon Williams at bob aelod ar 7fed Ebrill, 2020.

#### 2. BARBIO TIROEDD Y CYNGOR

**Adroddwyd** i'r aelodau ar **7fed Ebrill, 2020**, fod dau dendr am farbio tiroedd y Cyngor, wedi eu derbyn - un drwy e-bost a'r llall drwy law. Agorodd y Clarc y ddau dendr ar 6ed Ebrill mewn cysylltiad â'r Cadeirydd ar y ffôn— y tendr dderbyniwyd trwy law agorwyd yn gyntaf ac yna darllenwyd cynnwys y tendr dderbyniwyd drwy e-bost.

Wrth gymharu'r ddau bris 'roedd un pris yn llai am farbio Comin Bryncroes, ond 'roedd y pris arall dros oll o'r gwaith yn sylweddol is. Yn wyeb hynn defnyddiodd

y Cadeirydd ei hawliau i dderbyn y pris isaf ar ran y Cyngor. Anfonwyd i hysbysu'r ymgeisydd llwyddiannus fod ei dendr wedi ei dderbyn a byddai'r Clarc mewn cysylltiad ag ef pan fyddai mwy o wybodaeth o phryd y gellid gwneud y gwaith. Anfonwyd hefyd lythyr at yr ymgymerwr arall yn dioch iddo am ei ddiddordeb.

Isod gweler fanylion y tendr dderbyniwyd o eiddo J.A. Pozzi, Ger Llwyn, Rhydyclafdy:

1. Barbio Mynwent y Cyngor yn Llandegwning (y fynwent newydd lle mae ond ychydig o feddau yn y pen draw) ; y tyfiant i'w dorri bob tair wythnos yn ystod y tymor o fis Ebrill hyd Hydref, 2020, a'r gwellt i'w glirio oddi yno – **cyfanswm am wneud y gwaith yn £510 + TAW.**
2. Barbio Comin Bryncroes yn unig (y tir sydd islaw tai'r Cyngor) am gyfnod o saith mis (Ebrill i fis Hydref, 2020); y tyfiant i'w dorri bob tair wythnos yn ystod y tymor, a'r gwellt i'w glirio oddi yno – **cyfanswm am wneud y gwaith yn £900 + TAW.**
3. Pris yr awr am farbio llwybrau cyhoeddus o fewn tiriogaeth y Cyngor ac hefyd unrhyw waith achlysurol fel bydd y gofyn - **£15.00 yr awr + TAW.**

### **3. CEISIADAU CYNLLUNIO**

**Oherwydd y cyfyngiadau ac angen penderfyniad/talu o fewn cyfnod penodol gweithredwyd haliwau mis Awst sef:**

**ynghlyn a cheisiadau cynllunio, trafod gyda'r Cadeirydd ag aelodau'r Ward berthnasol**

**ac yna lle bo angen talu biliau mewn cysylltiad a'r Cadeirydd.**

**Biliau wedi eu talu drwy awdurdod y Cadeirydd:**

Cwmni Yswiriant Zurich (yswiriant yn dod i ben 1af Mai, 2020) **£ 708.17 (siec 200695)**

Ty Doctor, Apel Coronfeirws (gweler I uchod) **£1,000.00(siec200696)**

(Noder – oherwydd y cyfyngiadau awdurdod y Cadeirydd i'r Clarc ofyn i ddau o'r aelodau a hawl arwyddo i arwyddo deg siec ar yr amod fod cyfeirnod o'r taliadau a rhifau'r sieciau yn cael eu hadrodd i'r Cyngor).

**Ceisiadau Cynllunio gyda 21 niwrnod i gyflwyno sylwadau:**

Cais C20/0258/32/DT – dymchwel porth presennol a chodi parth mwy yn ei le yn Nolaferon, Botwnnog. **Cefnogi**

C20/0353/32/LL Sied amaethyddol at ddefnydd cyffredinol uwchben iard warthog presennol - Nanhoron Home Farm, Nanhoron **Cefnogi.**